

## **NDIMA YA 12**

### **VHARANGAPHANḐA VHA ZWA SIALALA**

#### **U țanganedza**

211. (1) Zwiimiswa, tshiimo na mushumo wa mahosi zwi a țanganedzwa, u ya nga mulayo wa sialala, hu tshi tevhedzwa Ndayotewa.
- (2) Khoro ya musanda ine ya tevhela maitele a mulayo wa sialala nahone I nga isa phanḑa na u shuma I tshi tevhela mulayo muñwe na muñwe u no khou shuma khathihi na nḑowelo, hu tshi katelwa khwiniso kha, kana u fheliswa ha mulayo wonoyo kana 'maitele eneo.
- (3) Khothe dzi tea u shumisa mulayo wa sialala musi uyo mulayo u tshi khou shuma, dzi tshi tevhela Ndayotewa na mulayo muñwe na muñwe une wa shumana fhedzi na zwa mulayo wa zwa sialala.

#### **Mishumo ya vharangaphanḑa vha sialala**

212. (1) Mulayo wa lushaka u nga ita uri hu vhe na mishumo ya vharangaphanḑa ha sialala sa tshiimiswa kha vhupo hawo kha mafhungo a kwamaho zwitshavha zwapo.
- (2) U shumana na mafhungo a kwamanaho na zwa vharangaphanḑa ha zwa sialala, mishumo ya vharangaphanḑa vha sialala, na maitele a zwitshavha vha tshi tevhedzela milayo ya sialala—
- (a) mulayo wa lushaka kana wa vunḑu, u nga ita uri hu vhe na u thomiwa ha nḑu dza vharangaphanḑa vha sialala, nahone
- (b) mulayo wa lushaka u nga thoma khoro dza vharangaphanḑa vha sialala.